

O'ZBEKISTON RESPUBLIKASI
OLIIY TA'LIM, FAN VA INNOVATSIYALAR VAZIRLIGI
FARG'ONA DAVLAT UNIVERSITETI

**FarDU.
ILMIY
XABARLAR**

1995 yildan nashr etiladi
Yilda 6 marta chiqadi

1-2023

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

U.X.Eshmuradov	
Til o'rganishda tinglashning ahamiyati va tinglab tushunish muammolari: til o'rganuvchilar tajribasi	325
M.E.Tursunova	
Anglitizmlarning media mayondagi faoliyat xususiyatlari	329
H.A.Ne'matova	
Hoji Muinning "Kattaqo'rqon xotiralari" safarnomasi	332
A.M.Mamadjanov	
Ta'lim muassasalarida fuqarolik muhofazasi darslarini o'tkazish bo'yicha metodik tavsiyalar	336
M.I.Ehsanova, N.B.Salimova, M.A.Yulchiyeva	
So'z o'zlashtirish hodisasi talqini va uning til lug'at tarkibi boyishidagi o'rni	339
N.Y.Ortikova	
Fonetik hodisalar va tovush o'zgarishlarining badiiy-estetik vazifalari (Anvar Obidjon she'riyati misolida)	342
A.M.Yuldashev	
Alisher Navoiy asarlarida so'z tavsifi	349
N.A.Rasulova	
Lingvistikada funksional tahlilni tavsiflash	357
D.J.Jurayeva	
Zahiriddin Muhammad Boburning muhabbat falsafasining o'ziga xos xususiyatlari va estetik tahlili	362
K.Q.Axmedova	
Ijtimoiy tarmoqdagi muloqotning lingvostilistik xususiyatlari.	366
R.Y.Xolikov, O.A.Qo'chqarov	
Shaharlar tuproqlarining texnogen ifloslanishi va uning ekologik oqibatlari.	370
F.M.Tillaxo'jayeva	
Vodiyning iqtisodiy rivojlanishida nemis tadbirkorlarning hissasi	374
A.Goipov	
Burchakni teng uchga bo'lishning bir usuli haqida (burchak triseksiyasi haqidagi masala)	378
A.A.Boltayev	
Ibn Arabiy va ta'vil ilmi	380
L.Alimardonov	
Jamiyat taraqqiyotida ijtimoiy-siyosiy reklamaning rolini tadqiq etishning nazariy asoslari.....	385
Z.Y.Xamraqulov	
Jinoyat huquqining o'qitilishida huquqni muhofaza qiluvchi organlar bilan hamkorlik qilish asoslari.....	388
S.Parmanov	
Siyosiy madaniyatning shakllanishi bilan bog'liq tahlillar	393
R.Urazova	
Avesto yashlarida mitranning sifatleri	397
Sh.X.Xonqulov	
Hamza Hakimzoda Niyoziy o'limining O'zbekiston SSRdagi ijtimoiy-siyosiy va madaniy jarayonlarga ta'siri.....	404
Sh.B.Murtozayev	
Abu Hafs Umar Suhravardiy inson nafsini anglashga doir falsafiy qarashlarining tahlili.....	411
U.E.Qurbonov	
Mishel Monten falsafasida gumanistik antropotsentrizm masalalari	415
I.Ch.Shermanov	
Bioetika: fan-texnologiya va ishlab chiqarish jarayonidagi ahamiyati (<i>ijtimoiy-falsafiy tahlil</i>)	419
U.A.Azimov	
Yoshlarning demokratik islohotlarga aksiologik munosabatini rivojlantirishning nazariy-metodologik asoslari tahlili.....	424
A.A.Abdumalikov	
Jamiyatda uzluksiz ta'lim tizimining shaxs ekologik madaniyati yuksalishidagi roli	428
X.N.Xolmirzaev	
Jamiyat taraqqiyotida inson salohiyatini namoyon bo'lish omillari.....	434

ABU HAFS UMAR SUHRAVARDIY INSON NAFSINI ANGLASHGA DOIR FALSAFIY QARASHLARINING TAHLILI

АНАЛИЗ ФИЛОСОФСКИХ ВЗГЛЯДОВ АБУ ХАФСА УМАР СУХРАВАРДИ НА ПОЗНОВАНИЯ ЧЕЛОВЕЧЕСКОГО “НАФСА”

ANALYSIS OF THE PHILOSOPHICAL VIEWS OF ABU HAFS UMAR SUHRAVARDI ON THE UNDERSTANDING OF THE HUMAN NAFS

Murtozayev Shahobiddin Baxriddinovich¹

¹Murtozayev Shahobiddin Baxriddinovich

– Buxoro davlat pedagogika institute Ijtimoiy fanlar kafedrası katta o'qituvchisi

Annotatsiya

Mazkur maqolada tasavvuf ta'limoti va Sharq falsafasining yirik vakillaridan biri, "Suhravardiylik" tariqatining asoschisi Abu Hafs Umar Suhravardiyning inson nafsini anglashga doir falsafiy qarashlari "Avorif ul-maorif" (Ma'rifat tuhfalari) asari asosida tahlil qilingan. Shuningdek, asarda mutasavvifning nafsning tavsiflanishi, nafsni tarbiyalash to'g'risidagi g'oyalarning yosh avlodni tarbiyalashdagi roli yoritilgan.

Аннотация

В этой статье рассматриваются философские взгляды Абу Хафса Умара Сухраварди, одного из крупнейших представителей суфийского учения и восточной философии, основателя тариката "Сухраварди" на познание человеческого нафса анализируется на основе работы "Аворифуль-маориф" (дары просвещения). Также в работе освещена роль идей суфия об описании нафса, о воспитании нафса в воспитании подрастающего поколения.*

Abstract

In this article, the philosophical views of Abu Hafs Umar Suhrawardi, one of the major representatives of the teachings of mysticism and Eastern philosophy, the founder of the Ssuhrawardiyya tariqat, on the understanding of the human ego it was analyzed on the basis of the work "Avoriful-maorif" (enlightenment gifts). Also, the work covers the role of the sufis scholar's ideas about the description of nafs, about the education of nafs in the upbringing of the younger generation.

Kalit so'zlar: Suhravard, "Avorifal-maorif", Ruh masalasi, insoniy nafs, naql va aql, istidlol, tavhid ahli, izzat nuri, oliyruh, hayvoniy ruh, tasavvuf.

Ключевые слова: Сухравард, "Авориф Аль-маориф", вопрос души, человеческая похоть, нарратив и разум, истидлал, люди таухида, свет почета, высший дух, животный дух, суфизм.

Key words: Suhrawardi, "Avorif al-Maorif", the question of the Soul, the human soul, the narration and the mind, istidlol, the people of monotheism, the light of glory, the Supreme spirit, the animal spirit, sufism.

KIRISH

Sharq ma'naviy merosida o'ziga xos o'rin egallagan Shihobiddin Umar Suhravardiy 1145 yilda Eronning "Suhravard" qishlog'ida dunyoga kelgan. Shihobiddin Abú Hafs Umar ibn Abdullox as-Suxravardiyning asli ismi Umar, otasining ismi Muhammad bo'lgan. U Abu Hafs, Abu Abdulloh nomlari bilan ham mashhur bo'lgan. Shuningdek, "Shihobiddin" yoki "Shayxul islom", "Shayxul orifin" nomlari bilan ham u kishiga nisbat beriladi. Suxravardiy o'zining "Avorif ul-maorif" (Ma'rifat tuhfalari) asarining "Inson nafsini anglash va so'fiylarning mukoshafalari" 56 - bobida inson nafsini anglash masalasiga katta e'tibor qaratgan.

ADABIYOTLAR TAHLILI VA METODOLOGIYA

Bugungi kunda o'zlikni anglash baxtiga erishganimizga shukronalar ila tabarruk zaminimizda yetishib chiqqan ulug' avliyolar, olimu fuzalolarning hayoti, faoliyati va ijodlarini o'rganishga doir ilmiy-tadqiqot ishlari falsafiy, psixologik-pedagogik va metodik yo'nalishlarda amalga oshirilmoqda. O'zbek olimlaridan O.Fayzullaev, A.Choriev, G. Navro'zova, E.Zoirov, G.Yunusova, O.Sharipova, X.Raxmatovalar Tasavvuf falsafasi unda komil inson tarbiyasi, bugungi kunda jamiyatimizda barkamol avlodni voyaga yetkazish, ilmi ma'rifatli qilish, buning uchun bajralishi lozim bo'lgan vazifalar bo'yicha ilmiy tadqiqot ishlar olib borishgan[10;8;5;11].

Mustaqil davlatlar hamdo'stligida Dj.S.Trimengem, A.D.Knish, A.Muxammadxodjaevlar inson uning mohiyati, barkamollik sari intilishi, nafsni jilovlash o'zlikni anglash masalalari bo'yicha

bugungi kun uchun ahamiyatli bo'lgan masalalarni tadqiq etishgan. So'fiylar hayot yo'li va ular qoldirgan ilmiy merosni ilmiy yo'llarni o'rganishning samarali metodlarini ishlab chiqishgan [7;3;4].

NATIJALAR

Tasavvuf barkamol inson deganda avvalo nafsini anglagan insonni nazarda tutadi. Shuning uchun nafs bilan bog'liq mutafakkirlarning qarashlarini o'rganish ahamiyatlidir. Nafs tushunchasi barcha inson haqidagi ta'limotlarda o'rganilgan. Nafs tasavvuf falsafasining ham asosiy kategoriyalaridan hisoblanadi.

Nafs tushunchasi fiziologiya, diyetologiya, axloq – odob, ijtimoiy munosabatlar, umuman me'yor - tarozi muammolaridan biridir. Nafs muammosi bilan shug'ullanadigan ilmlardan biri – tasavvufdir. Tasavvufning maqsadi insonni komillik pog'onalariga eltishdir. Tasavvuf inson tarbiyasini nafs tarbiyasidan boshlaydi va uni atroflicha chuqur tadqiq etadi. Inson kamoloti uchun eng katta dushman nafs ekanligini tushuntiradi. Mazkur nuqtai nazardan Shihobiddin Umar Suhravardiy inson nafsini anglashga doir qarashlari barkamol avlodni nafsni tiyish, xudbinlikka qarshi kurash yo'lida tarbiyalashda muhim ahamiyat kasb etadi.

Nafs deyilganda gap jamiyat haqida emas, avvalo ayrim bir shaxs haqida ketadi. "Goho", "Men", "O'zim", "Mening o'zim" – so'zining har xil ishlatilishidir[9]. Falsafa fanlari doktori T.Oqmurudov bu tushunchani quyidagicha izohlaydilar: tasavvufda xudbinlik "o'zlik" degan istiloh bilan ham aytiladi. O'zlik esa jism va nafsdan tashkil topadi. Insondagi jamiki xudbinliklar, illatlar, razolatlar ana shu jism ehtiyoji va nafs ta'masidan kelib chiqadi. Komil inson bo'lish uchun ana shu jism bilan nafsni yengish kerak. Inson o'zlikdan kechish orqali o'zligini topadi. Jism va nafs yengilgach, insonda hech bir illat qolmaydi, u butunlay ruhoniyatga aylanadi. Bu esa Allohga yetar darajadagi bir pok ruh. Ana shunday pokiza ruhda Alloh o'z jamolini ko'rsatadi. Chunki dunyoda eng oliy poklik, eng oliy go'zallik Allohning o'zida. Inson hamisha ana shu oliy poklik va oliy go'zallik sari intilishi shart va juda tabiiy[6]. Natijada nafsni yenga olish orqali yaratuvchanlik, bunyodkorlik fazilatlarini rivojlanadi, aniqrog'i tasavvufiy g'oyalar ana shunday sifatlarni rivojlantirish uchun ruhlantiruvchi, ilhomlantiruvchi, da'vat etuvchi vosita rolini bajaradi.

MUHOKAMA

Shihobiddin Umar Suhravardiy "Avorif ul-ma'orif" (*Ma'rifat tuhfalari*) asarida Abu Tolib Makkiyning nafs haqidagi fikrlaridan iqtibos keltiradi: "Ruhlar jasadlardagi bir ayniyatdir. Nafslar ham xuddi shunday. Ikkovi ham jasadga harakat qiladi. Ruh yaxshilikka harakat qiladi va bu intilishidan qalbga nur zohir bo'ladi. Buni malak ko'radi va yaxshilikka undaydi. Nafs ham harakat qiladi va harakatidan zulmat zohir bo'ladi. Buni shayton ko'radi va ig'vo qilib yomonlikka boshlaydi"[1].

Mutasavvif odamni tana va jondan iborat deb hisoblagan, ularni ayniyat deb talqin etgan. Ruh doimo yaxshilikka insonni undashi, nafsning nojoiz harakati zulmatga undashini ta'kidlaydi.

Shixobiddin Suhravardiyning "Avorif ul- ma'orif" asarida hikoya qilishicha, u Isfahonda bo'lgan chog'larida bulgan bir guruh kishilar Ahmad G'azzoliyning huzuriga kelib, undan xirqa so'rashibdi. Shayx ularning orzularini eshitib. ." Falonchining yoniga boringiz. U sizga xirqaning nimaligini anglatsin. Keyin kelinglar men sizga xirqa kiydirurman". Suxravardiyning huzuriga jo'natibdi, ularni o'sha kimsalar mening huzurimga kelishdi, - deydi Suhravardiy, men xirqaning haqiqatlari, xirqa sohibining vazifalari va bularni qanday bajarish qoidalari va odobini yetarli darajada tushuntirdim. Bularni eshitib ul kishilar xirqa talabi va kiyishdan voz kechishdi"[2].

Tasavvufdan murod hirqa kiyish emas, balki nafsni yengish, ko'ngilni poklash, sabr va bardosh ila fikr, ma'rifat, ruhoniyat yuksakliklarni egallashdir. Bu esa kamdan-kam kishilarga nasib bo'lgan qismat erur, deb hisoblagan mutasavvif.

Mutasavvifning fikricha, "Ruh javhar xilqatdir. Xilqatlar ichida eng latifi udir. Javharlarning eng tozasi va eng nurlisi ham udir. U orqali g'oyib narsalar ko'rinadi va haqiqat ahliga u orqali kashflar bo'ladi. Agar ruh tarbiya qilinmasa, u odob qanotlari kirlanadi. U nur va zulmat orasida qoladi. Bunday ruhning chiqishi va tanadan sug'urib olinishi qiyin bo'ladi".

Deydilarki: "Ruhlar uchun dunyo va oxirat barobardir". Bu g'oyalari bilan agar inson o'z nafsini tarbiyalamasa, nur va zulmat dunyosi o'rtasida qoladi va tozalangan, nafsidan ozod bo'lgan ruhni javhargacha qiyos etadi. Qaysikim, javhar eng qimmatli, bebaho narsa, buzilmaydigan, qadri baland tosh bo'lganidek, nafs tarbiyalangan inson ham javhardek qimmatlidir.

Shixobiddin Suhravardiyning "Avorif ul- ma'orif" asarida olimlar: "Alloh ta'olo ilmni ruhga yaqin qildi. U o'zining latifligiga ko'ra ilm orqali o'sadi, bu xuddi tana ovqat bilan o'sganga o'xshaydi. Bu esa Allohning ilmidir, xalqning ilmi esa oz bo'lib buni anglashga yetmaydi, dedilar",

ILMIY AXBOROT

deb iqtibos keltiradi[1]. Nafsnı tarbiyalashda ilmning o'rnini alohida qayd etgan holda mutasavvif, xuddi inson tanasi ovqat bilan quvvatli ekanidek, ruhning tarbiyasi ilmga bog'liqligini ta'kidlaydi.

Aksar islom mutakallimlari naznida insoniylik bilan tiriklik tushunchasi xilqatdagi ikkita arazdir. O'limdan keyin ruh o'z ayniyatida hayot bo'ladi. Qiyomatda ruh badanga qaytarilgandan keyin badan hayotga qaytadi, deydi Shixobiddin Suhravardiy.

Suxravardiy "Avarif al-maorif" asarida Ibrohim Xavosning Xizr bilan uchrashganliklari haqidagi hikoyani misol keltiradi: "Men o'n bir kun cho'l-u xiyobonlarda kezib yurgan edim, och qolganım uchun yeydigan narsa qidiriyotganımda o'simlik topdim. Shu onda Xizrning menga tomon kelayotganligini sezdim va ko'rdim. Men u bilan suhbatlashishni istamadim va u mendan uzoqlasha boshladi".

Undan so'rabdilar: "Nega sen muqaddas Xizr bilan hamsuhbat bo'lishni istamading?" U javob beribdi: "Men nafsim g'olib chiqib, undan biror yordam so'rasam, Olloh mening tavbalarimni qabul qilmasligi mumkin deb qo'rqdim".

- "Ollohing eng sadoqatli do'stlari yolg'iz, qarovsiz va g'arib-u musofirlaridir", -deb ta'kidlaydi mutasavvif. Odamlar payg'ambarimizdan "g'ariblar kimlar?" -deb so'raganlarida, "ular Islomga sadoqat evaziga odamlar bilan muloqotda bo'lishda qochadilar. Ular qiyomat kunida tanlanganlardan bo'ladilar".

Suxravardiy shariat qoidalariga ko'ra mavjud qator ko'rsatmalarga ham to'xtalib o'tgan. Qaysikim, solik sayr vaqtida bularga rioya qilish lozim. Mazkur amallarga a) suv bo'lmaganda tuproq yoki qum bilan tahorat (tayammum) qilmoq; b) ayrim kasalliklar davrida sig'inishni qisqartirish (kasr) va qo'shish (jam) holatlari; d) sufiy ahli hududlaridan o'tayoganda duolar o'qiydi, tozalikka rioya qiladi.

Mutasavvif bu ko'rsatmalar shariatdan tariqatga o'tishda asos ekanligini ta'kidladi.

Abu Xafs Suxvardiy tinglash masalasiga ham e'tibor qaratgan. Muqaddas yozuvlarni tinglash madaniyatining foydali asoslari shundaki, solik haqiqat nurlari ostida (fanoyi nafs) nafsdan forig' bo'lish yo'lini tutadi. Inson haqiqatni anglab, tavba qilgani sari qalblari noqisliklardan xalos bo'la boshlaydi, deb ta'kidlaydi mutasavvif. Kimki dil istaklaridan qutula olmasa u tinglash madaniyatidan mosuvo va g'aflatdadir deb hisoblaydi.

Suxravardiya ta'limotiga ko'ra, fano Ollohga yaqinlashmoqning oliy darajasi bo'lib, bunda inson butkul ilohiyotga singib ketadi. Fanoga erishgan shaxs Olloh oldida o'zini his etadi, vahdat dengizida bo'ladi va yaratuvchidan o'zga narsani ko'rmaydi. O'zining nojo'ya harakatlaridan, nafsidan xalos bo'lgan inson doimiy baqoga erishadi.

Insoniy ruh oliy samoviy bo'lib, u amr olamidandir. Hayvoniyl bashariyl ruh esa xalq olamidandir. Hayvoniyl bashariyl ruh oliy samoviy ruhning joylashadigan joyidir. Hayvoniyl ruh latif jism bo'lib, qalbdan keladigan his va harakat quvvatini tashiydi. Ya'ni, qalb deganda go'shtli muzg'a nazarda tutilib, u jasadning chap tomonida o'mashadi va ruh ter chiqadigan terining teshiklari va ustlariga yoyiladi. Bu barcha tirik jonlarda uchraydigan ruh bo'lib, hislar undan fayzlanadi. Uni Olloh taolo qoyim qilgan bo'lib, quvvatini asosan, ovqatdan oladi. Uning mijozining mo'tadilligini tib ilmi tasarruf qiladi. Insoniy oliy ruh hayvoniyl ruhdan farqlanadi. U boshqa sifatni o'zlashtiradi va nutq hamda ilhomga ega jon bo'ladi.

Alloh taolo aytadi: "Jonga va uni raso qilib yaratgan, unga fisq-fujurini ham, taqvosini ham ilhom qilib o'rgatib qo'yg'an Zotga qasamki", (Shams: 8-oyat.). "Raso qilib yaratgan" degani bu inson ruhining hayvoniyl ruhdan uzilganini anglatadi. Insoniy ruhning borlig'i Alloh taolo tomonidan alohida oliy borliq qilib yaratilgan.

Mutasavvif bu masalani "Butun koinot uchun kimki nafsini tanisa, Robbisini taniydi", hadisiga muvofiq holda tushunishi lozimligini uqtiradi. Shu sabab inson o'z botiniga nazar sola olsa, unda sof borliqni idrok qila oldi. O'zining aslini anglay oladi[1].

Suhravardiy o'zi ham nafsı tarbiyalangan, dunyo ne'matlaridan ko'nglini uzgan odam edi, juda insonparvarligi bilan mashhur bo'lib, butun umri davomida yig'ilgan mablag', berilgan hadya va sovg'alarni ehtiyojmandlar hamda darveshlarga tarqatib bergan. Shu sabab vafotidan keyin uning uyidan hatto kafanlik mato ham topilmagan degan ma'lumotlar keltiriladi. Mutasavvif inson borlig'ini tana va ruhdan iboratligini ko'rsatib, ularni o'zaro mutanosiblikda qaragan, inson tanasi yaratilish hijobi, ya'ni Haq bilan insonni ajratib turgan to'siq, parda deb qaraydi. Insonning qandaydir vaqtda yaratilgan fardiy-individual borliq sifatida baholaydi.

XULOSA

Shixobiddin Suhravardiy tomonidan aytilgan nafs va uning me'ori, nafsni jilovlash to'g'risida fikrlar bugungi kunda barkamol avlodni moddiy, nafsoniy-ma'naviy tarbiyalashda muhim ahamiyatga ega.

1. Shixobiddin Suhravardiyning hayot yo'llari qanoat va mashaqqat bilan yashash namunasidir.

2. Shixobiddin Suhravardiy o'z asarlarida nafsning foydali va me'oridan ortiqcha nafs zararli ekanligini tahlil etganlar.

3. Shixobiddin Suhravardiy insonning tanazzuliga sabab bo'ladigan axloqiy illatlarga - nafsga berilish, riyo, ta'ma, g'azab, nafrat, xalqdan yiroq bo'lish, g'aflat, dangasalikni kiritganlar. Mutasavvif axloqiy kamolot uchun illatlardan qutulish va o'zidagi ijobiy xislatlarning rivojiga intilish zarurligini ta'kidlagan.

ADABIYOTLAR RO'YXATI

1. عوارف المعارف شهاب الدين سهوردي. N Buxoro davlat muzey-qo'riqxonasi, Hujjatlar fondi 21125/11. 443-бет.
2. Иброҳим Ҳаққул. Тасаввуф сабоқлари. Бухоро 2000. 63 бет.
3. Кныш А.Д. Тасаввуф // Ислам. Энциклопедический словарь.-М.: Наука, 1991. – С. 225-231.
4. Мухаммадходжаев А. Идеология нақшбандизма. -Душанбе: Дониш, 1991, - 232 с.
5. Наврўзова Г., Зоиров Э., Юнусова Г. Тасаввуфда инсон ва унинг камолоти масаласи.- Тошкент: Фалсафа ва ҳуқуқ, 2006. – 56 б.
6. Оқмуродов.Т. Дин ва ҳурфикрлилик тарихи. Т.: Ўқитувчи, 1995. 148-бет.
7. Трименгэм Дж.С. Суфийские ордены в исламе. – М.: Наука, 1989. -328 с.
8. Чориев А. Инсон фалсафаси. –Тошкент: Ўзбекистон файласуфлари миллий жамияти, 2009.- 416 б.
9. Файзуллаев О. Нафс балоси. Ўзбекистон овози газетаси, 2003 йил, 9 сентябрь, 2-бет.
10. Файзуллаев О. Нафс, жон ва руҳ. Қуръон, тасаввуф ва фандаги талқинлари / Масъул муҳаррир: Н.Комилов. – Тошкент: Академия, 2005. – 56 б.
11. Шарипова О. Хожа Абдулхолиқ тасаввуфий таълимотида ахлоқий қадриятлар: Фалсафа фанлари номзоди...дисс. автореф. –Тошкент, 2002. – 23 б.